

Cara Sardigna mia ite malore
 Ch'in sinu teu s'este isviluppande
 Chi zertos fxa fizos tuos calpestande
 S'un su teu achistadu tantu onore.

Cuddu valore de su campu e battaglia
 Chi achistesi su Sardu cumbattente
 Oe l'è riduende a su niente
 Cudd'infaustu re de sa buscaglia.

Cantu ti feridi a morte o Sardigna
 Sas malas aziones cummitidas
 Contra sos benes, cosas, e vida
 De sa zente pacifica e benigna.

In custa terra Tua generosa
 Vegeta troppu sa mala pianta
 Ch'es pro tottu dolore e pena tanta
 Ca creschede in manera ispaventosa.

Custa pianta nos'è flaggellende
 In d'una modu barbaru, inumanu
 Chi forsi forsi mancu s'Africanu
 A zertos puntos best'oe arrivende.

Sa terra Sarda sempre rapinada
 bistesi, ma dae zente furistera
 Oe sa belva sarda la supera
 Pro haer cosa senza trabagliada.

Sos viles attentados a sa zente
 Ei sos sequestros de personex
 Pro s'omine de bona intenzione
 No nde pode restare indifferente.

Invocamus remediù a su male
 E a chie tocca de bi provvedire
 prima chi sia tardu, e destruire
 Tenten su ~~malaxx~~ morbu a no benne letale

E cun sos sardos de bona cussenzia
 Isperemus su tempus cambiadu
 Ei su malu a benner castigadu
 Invocande giustizia, e no clemenzia.

Cun serrera

Aranesu.

Dende un'ciada a sa vida presente
 Custu fattu podimus affirmare
 Chi sa rejoneè già pro tramontare
 Ca suprafatta es da su prepotente

S'omine falzu, sa zentz abruttida
 Cheren sa veridade rinnegare
 E chie chere su giustu affirmare
 O bi pones sos benes o sa vida.

Ce plus che mai su ricattu
 Este in voga pro cosas e persones,
 Poi domandan tantos miliones
 Pro nde podere ottenne su riscattu

Si a unu da istalla, monte, o padru
 Sos boes l'hana potidu furare
 Calcunu si offri pro bilos torrare
 Una mediadore puru ladru

Sis custu de vicinu o de attesu
 volentieri si offeridi in s'intrigu
 Carpi dinari a s'irrobadu amigu
 E partin cun su ladru mesu mesu

In custu modu su falzu importunu
 Chirca su derubadu de aggiuare
 Cando resessi custu a ndagatate
 De duos gjuos binde a già post'unu.

Rapinen Bancas camente niente,
 Ievaligian interos magasinos
 Aggredini operosos zittadines
 In sas zittades e pubblicamente

Triunfa s'egoismu iscelleradu,
 Sa falzidade ei sa maldicenzia,
 No esistu prinzipiu de cussenzia
 Ca s'omine a su male si è votadu.

Cust'è su seculu de sa libertade
 Era moderna tantu progredide
 Chi rende troppu infelice sa vida
 Ca est'inferma sa soziedade.

Addiu fratellanzia sinzera
 Addiu fide'onestade e decoro
 Addiu bonu sensu e bonu coro
 Tattu est mitu fantastigu e chimera.

A S A R A D I O

Subra s'unda Herziana sempre in bolu
Sun musicas, discursos, visiones
S'idene e si faeddau sas persones
Mancari attesu dae polu in polu.

A su geniu de testa iscenziada
Ch'iscoperzesi sa legge de natura
Ce in terra no che hà criatura
Cun senso che no l'appede ammirada

A unu tale geniu profunda
Sempre s'umanidade es depidora
Deo la paragone a s'aurora
Chi a s'affaciada illumina su mundu

S'omine ce no e plus solu
Isperdidu in s'immensa lontananzia
Sa Radio li avvicina sa distanzia
L'illumina, li servi de consolu

S'emigradu has sa Patria lontana
E turmentadu est da sa nostalgia
Però sa oghe de sa terra natia
intendede, e dest'unu taccasana

S'omine ^{bene} da issa ~~haxx~~informadu
De cantu este in sa terra suzedende
Si ha pagu tempus, fina manighende
Isse si intende su comunicadu

Cantu bene issa ha fattu e des fattende
Dae s'ora de sa sua invenzione
E ce in terra no che ha Nazione
Chi non si sia de issa servende

Si unu bastimentu in s'occeanu
In d'una tempestosa zona inciampada
Sesse o esse sa radio lanciada
Su chi commove d'ogni coro umanu

O in terra, o in mare, o in s'aera
S'omine beni da issa aggiuadu
E finzamentr'a Nobile a salvadu
In cudda impresa sua legghera

Si sa Radio enzerede a mancare
Su mundu enidi in confusione
Comente in d'una festa de veglione
Che bennida sa lughe a s'istudare